

Dr. I. Đ. Višošević, rektor g.
Zagreb g. g.
sjem.

Н О В И Н И

ЗА РУСНОХ У ЈУГОСЛАВИЈИ

„Руски Новини“ виходза кажди гн-
дзень. — Предплата на рок 55 Дин.
Адреса: „Руски Новини“ Р. Керстур.
Число Чековног рахунку 59-356.

Видава: Руске Нар. Просв. Дружтво
За редакцију одповеда: Мих. ФИРАК.

Важна бешеда

АНГЛИЙСКОГО МИНИСТРА ЧЕРЧИЛА.

Английски министр за воену флоту Черчил отримал 13. нов. на радио едну бешеду, з котрей приношимо најважнейши места. (за беогр. »Политику«).

ЛЕБО — ЛЕБО.

Черчил гварел, же Чемберлен ше будзе тераз бориц за победу, як цо ше на познатей схадзки у Минхену борел за мир. И лебо препадне и Англия и Французка и шицко того, цо вони знача, лебо Гитлер и його странка и непрестани немецки напади да други держави буду зничени.

АНГЛИЈА ТЕРАЗ МОЦНЕЙША.

Далей гварел мин Черчил, же тераз по два и пол мешаца војни английска војна флота вельо моцнейша, подводни ладї ест трираз вецей, војско непрестано рошне а обрана проци бомбардерох е цалком иншака, як цо була на початку војни. Английска торговска флота од 4.000 ладї непрестано плїва по морїох и довожуе шицко, зос других державох, цо Англиї и ей армийї потребно. Английски авийони тих дньох зничели 15 немецких, а при тим ані еден английски авийон не настрада.

»Я немам сумнїву, же час наш союзник, гварим и то, же кед преживе жиму без важнейших преденкох ми зос тим выиграе першу вельку битку у тей војни и будземе способни на яр предлужиц нашу борбу ище моцнейше як гоч кеди.« — гварел Черчил.

ПОЛОЖАЙ НЕМЕЦКЕЙ.

Лїва нога московского медведза не пуца Немцох гу Чарному морю а права гу Балтийскому. Гитлеровскей Немецкей препречена драга на Восток и вона терас лебо муши надвладац английске царство и Французку, лебо препаднуц.

И так тераз шицки пишни гитлеровци руцаю око на малки держави на западу и сцели би их зничити, як цо погажели Австрию Ческу и Польщу. Тераз руцаю око на стари культурни и миролюбиви народи голандски и белгийски. Сцекаю од челїчней фронті французкей армийї на Мажинотовой линийї и тераз їх послушни вояци стоя у вельким числу на голандскей и белгийскей гранїци. Тим державом гарантовали недавно гитлеровци торжественно, же их не буду рушак па не чудо, же ше баш зато тоти держави боя. Ані едина од тих державох не вери нїч Гитлеру и зато ситуација поважна.

Але то цалком певне, же доля Голандийї и Белгийї як и доля Австриї, Ческей и Польскей буду одлучени зос победу английского и французского оружия. Кед ми будземе надвладани шицко будзе зарабровано и Америка остане сама да бранї права чловека. А кед нас не знича, шицки тоти держави буду спашени и враца ше гу животу и шлебоди.

Гитлеровска Немецка на цалей жемскей кулї не може найсц ані едно себе приязне око. Цали швет е проци Гитлера и гитлеризму. Так гуторел мин. Черчил.

На тоту бешеду английского министра одповед Гитлеров министр Гебелс, же Англия далей нагваря швет на војну. Бо Немци тераз сцү лем мир.

Условия мира.

Муша ше обновит Австрия, Ческа и Польска.


На предлог за мир, котри послал Бельгийски краль Леополд и Голандска кралїца Англия и Французка одповедли, же ше вони тиж бора за мир, але мира не може буц, док влада у Европи Гитлер и док ше не обновя держави Австрия, Чехословацка и Польска, кот-

ри Гитлер погажел. У тей вејни Англия и Французка не маю други цель лем тот, цо вони уж вецей рази виявели и од того не одступа, бо лем зос подполну победу над Гитлером и гитлеризмом будзе мир у швецех осигурани.

Претаргнути догваряня Финскей з большевиками.

Уж вецей як мешац у Москви були догваряня зос Финску. Большевици сцели од Финскей даскелї острови у финским заливу

Финскей так як завладали у балтийских державох. Але Финска такой мобилизовала свою войску, за ню станула Шведска, Норвешка и



недалеко од Петрограду, особено Аландски вельки острова (ту су на слици) да на нїх збудую свойо утвердзєня, вец еден фалат Финскей територийї, же би финска гранїца не була так блїско Петрограду (лєм 32 км.) У самей ствари сцели большевици завладац у

Данска и большевици ше поцагли. Тераз тоти дуги догваряня зос финску делегацїю у Москви претаргнути. Большевици ше надаваю же Финска не витрима дуго у мобилизациї, котра барз вельо кошта та ше им ипак покори на добри способ.

Югославия и Мадярска.

Мадярски новини вше вецей пишу, же медзи Югославию и Мадярску муши владац праве и щире приятельство и же свойо спорни питаня можю тоти два держави барз бєгко ушориц. Мадярска у остатнїм часу укавуе, же ей барз стало до приятельства з

Югославию. Тих дньох бул у Београду предняк мадярскей земледїлскей странки Тибор Екхардт, котри ше виявел о Югославиї барз крашне а окреме похвалел порозумєне Сербох з Горватами, по котрим Югославия постала вельо моцнейша.

Румунска и Болгарска.

По балканскей војни 1913. року вжали Румунї од Болгарскей векши фалат жеми над Чарним морїом коло Дунаю. цо ше вола Добруджа зос варошом Силистрия. Болгарска мала держава, та ей стало за кажди фалаток болгарскей територийї. Зато Болгарска не забула на Добруджу и вше ю пита од Румунскей нагад. У тєрашней прикрей ситуациї (ма большевиких зос двоох странаох за шушедох) за Румунску, вона вшадзи гледа приятельох и сцела би и з Болгарску жиц у приятельству. Але Болгарска вше пита Добруджу. Тераз зос Италийї явяю, же Румунска предложела Болгарскей приятельство на тим темелю, же до конца тєрашней војни питанє Добру-

джи остане, як тераз, а такой по војни Румунска ше подязуе тото питанє на приятельски способ зос Болгарску ушориц. Болгарска пристава на румунскї предлог лєм под условїем, же най други балкански народи гарантую ей, же по војни поможу присиловац Румунску, да ей враци Добруджу, кед би Румунска добровольно зробиц не сцела.

Уж ше дуго пише и бешедуе о блоку балканских державох зос Италию и баш тот румунско-болгарски спор то едина од главних препрекох, же до того приятельского союзу медзи державами Балкану ище не пришло.

За тот союз барз ше заклада Италия.

